

Nimewo 21.1

## DEKRÈ EGZEKITIF

### **KONTINYE DEKLARASYON IJANS POU KATASTWÒF NAN TOUT ETA A AKÒZ PWOPAGASYON KONTINYÈL VIRIS POLYOMYELIT LA NAN ETA NEW YORK**

**LÈ NOU KONSIDERE**, yo te idantifye yon ka polyo paralitik nan dat 21 jiyè 2022, nan yon rezidan nan Konte Rockland ki pa te pran vaksen ki pa te gen wwayaj entènasyonal pandan peryòd enkibasyon pou polyo a;

**LÈ NOU KONSIDERE**, yo te idantifye polyoviris ki te enfekte moun Konte Rockland yo la kòm yon ka polyoviris ki sòti nan yon vaksen, yo te idantifye ka nan New York an 1990;

**LÈ NOU KONSIDERE**, yo te detekte polyoviris ki gen rapò ak jenetik nan echantiyon dlo ize yo kolekte nan konte Kings, Nassau, Orange, Queens, Rockland, ak Sullivan nan mwa avril, me, jen, jiyè, out ak septanm 2022;

**LÈ NOU KONSIDERE**, yo te deklare polio elimine nan Etazini an 1979, sitou akòz gwo pousantaj vaksinasyon kont polyo;

**LÈ NOU KONSIDERE**, to vaksinasyon woutin kont polio nan tout kategori laj te diminye pandan pandemi COVID-19 la epi retisans fas ak vaksen an ogmante;

**LÈ NOU KONSIDERE**, to vaksinasyon kont polio pami timoun 2 zan nan New York se 79%, epi li pi piti anpil pase sa nan plizyè konte ak kòd postal;

**LÈ NOU KONSIDERE**, depatman sante lokal yo ap reyaji aktivman fas ak epidemi polyoviris la atravè sipò ankèt, idantifikasyon kontak ak siveyans, administrasyon vaksen pou kontak ki ekspoze ak popilasyon aktyèl ki gen gwo risk ki sible yo, epi edikasyon ak sansibilizasyon;

**LÈ NOU KONSIDERE**, gouvènman Eta a dwe sipòte minisipalite, lokalite ak konte yo nan efò yo pou fasilite ak administre vaksinasyon ak tès pou polyoviris la, ak pou anpeche viris la kontinye pwopaje;

**KOUNYE A, AN KONSEKANS**, mwen menm, Kathy Hochul, Gouvènè Eta New York la, konfòmman ak otorite Konstitisyon Eta New York la ak Lwa Eta New York yo te konfye mwen, avèk dokiman sa a, pwolonje eta dijans poutèt katastwòf jan sa deklare nan Dekrè Egzekitif Nimewo 21 an, epi kontinye kenbe anvigè tèm, kondisyon, ak sispanasyon yo ki ladan jiska 8 novanm 2022; epi

**ANPLIS DE SA**, avèk otorite mwen genyen dapre Seksyon 29-a Atik 2-B Lwa Egzekitif la pou sispann oswa chanje pwovizwaman nenpòt lwa jeneral, lwa lokal, òdonans, dekrè, règ oswa règleman, oswa pati ladan yo, pou nenpòt òganis pandan yon ijans nan Eta a poutèt katastwòf, si respè lwa jeneral, lwa lokal, òdonans, dekrè, règ oswa règleman sa yo ta anpeche, jennen oswa retade mezi ki nesèsè pou fè fas a katastwòf la, oswa si sa nesèsè pou bay asistans oswa èd pou fè fas a katastwòf sa a, avèk dokiman sa a, mwen sispann oswa chanje pwovizwaman, pou peryòd ant dat Dekrè Egzekitif sa a antre anvigè a jis nan dat 8 novanm 2022, lwa ki annapre yo:

- Modifikasyon tanporè soudivizyon 6 ak 7 seksyon 3001 Lwa sou Sante Piblik la, soudivizyon (o) ak (p) nan seksyon 800.3 ak seksyon 800.15 Tit 10 NYCRR la, ki nan Dekrè Egzekitif Nimewo 21 an, nan mezi modifikasyon sa otorize teknisyen swen medikal ijans sètifye-anbilansye yo ak founisè sèvis ijans medikal (EMS) avanse yo, k ap bay sèvis paramedikil nan kominote a avèk apwobasyon preyalab Depatman Sante (Department of Health, DOH) a, pou yo administre vaksen kont polyoviris la, modifiye plis nan limit nesèsè pou otorize teknisyen medikal-anbilansye ak founisè sèvis ijans medikal avanse (EMS) yo administre tou vaksinasyon kont polyoviris ki gen ladan vaksen kont tetanòs, koklich, epatib B ak Hib.

- Modifikasyon tanporè seksyon 6951 Lwa sou Edikasyon an ak seksyon 79-5.5 Tit 8 NYCRR la, ki nan Dekrè Egzekitif Nimewo 21, nan mezi modifikasyon sa otorize fanmsaj yo pou yo administre vaksinasyon kont polyoviris bay nenpòt pasyan konfòmman ak yon òdonans ki pa pou yon pasyan an patikilye anba sipèvizyon medikal doktè lisansye, asistan doktè ki lisansye oswa enfimiyè pratisyen sètifye, modifye nan limit nesèsè pou otorize fanmsaj yo administre tou vaksinasyon kont polyoviris ki gen ladan vaksen kont difteri, tetanòs, koklich, epatit B ak Hib.
- Modifikasyon tanporè sòdivizyon 2 nan seksyon 6801 Lwa sou Edikasyon an ak 63.9 Tit 8 NYCRR la, ki nan Dekrè Egzekitif Nimewo 21, nan mezi modifikasyon sa otorize famasyon yo pou yo administre vaksinasyon kont polyoviris la konfòmman ak yon òdonans ki pa pou yon pasyan an patikilye, modifye nan limit nesèsè pou otorize famasyon yo administre tou vaksinasyon kont polyoviris la konfòmman ak òdonans pou yon pasyan an patikilye epi tou nan limit nesèsè pou otorize famasyon yo pou yo administre vaksinasyon kont polyoviris ki gen ladan vaksen kont tetanòs, koklich, epatit B ak Hib konfòmman ak òdonans ki pa pou yon pasyan an patikilye; epi
- Modifikasyon tanporè Sòdivizyon 6 nan seksyon 6527 Lwa sou Edikasyon an, sòdivizyon 4 nan seksyon 6909 Lwa sou Sante Piblik la ak seksyon 64.7 Tit 8 NYCRR la, ki nan Dekrè Egzekitif Nimewo 21 an, nan mezi modifikasyon sa otorize famasyon yo ak enfimiyè pratisyen sètifye yo pou yo emèt yon rejim ki pa pou yon pasyan an patikilye bay moun lalwa oswa dekrè egzekitif sa otorize pou yo administre vaksinasyon kont polyoviris la, modifye nan limit nesèsè pou otorize doktè ak enfimiyè pratisyen sètifyen yo emèt rejim ki pou yon pasyan an patikilye pou administre vaksinasyon kont polyoviris ki gen ladan vaksen kont difteri, tetanòs, koklich, epatit B ak Hib, epi pou emèt òdonans ki pou yon pasyan an patikilye bay famasyon lisansye yo pou administrasyon vaksinasyon pou anpeche polyoviris ki gen ladan vaksinasyon ki gen vaksen kont difteri, tetanòs, koklich, epatit B ak Hib.

F È T anba siyati mwen ak So Prive Eta a nan  
Vil Albany nan nevyèm jou mwa oktòb sa nan  
ane de mil vennde.

SOU LÒD GOUVÈNÈ A

Sekretè Gouvènè a